

## «Il plascher dil ballapei ei veseivels e decisivs»

L'equipa dils juniors A dalla Surselva ei ina cuminonza cun in bien spért collectiv

Hans Huonder/FMR

Saver semesirar cun persunas dalla medema vegliadetgna ei bein il giavisch da mintga sportist. Buca auter ei quei el ballapei, per exempel tiels juniors A dalla Surselva. Il trenader Livio Casutt (29) senta il fiug collectiv, il plascher e la voluntad da s'engaschar in per l'auter. La gronda part dils clubs da ballapei en Surselva ha buca pli il potenzial da giugadurs per las singulas categorias da vegliadetgna. Per quei motiv vegn collaborau en fuorma d'ina cuminonza d'interess. Da quei model che vegn era applicaus en autras regiuns profiteschan tuts: Il singul giugadur e la fin finala era il club e sias equipas activas. Grazia a quella collaboraziun san ils pli ambiziunai vegnir promovì ed a quels che vulan guder il ballapei sco activitad dil temps liber vegn medemamein purschiu la caschun da semesirar.

### Cuntents culla prestaziun

Treis giugs da campionadi han ils juniors A dalla Surselva absolvì questa primavera. Suenter in remis ha ei dau ina victoria ed ussa – la dumengia vargada – ina terrada encunter Bischofszell. «Il resultat resplenda buca la prestaziun. L'equipa ha dau in bien giug, mo ha survegniù gols ils pli tups muments. Jeu sundel cuntents culla prestaziun», di il trenader *Livio Casutt* da Glion. Aschia ha l'equipa survegniù in gol gia baul e lu spert era suenter pausa. Il quart gol ei la fin finala curdaus ella davosa minuta dalla scuntrada.

Sco gia els giugs avon ha la squadra buca giu il saung freid per terminar cumpleinamein las acziuns avon il gol: «Ei reussescha semplamein buca da finir in'acziun cun in success, vul dir cun in gol.» Livio Casutt ch'ei da professiun dessignader da maschinas e che sescolescha il mument sco inschignier da maschinas ei denton ferm perschuadius dalla squadra: «Igl ei ina fetg giuvna equipa. La mesadad dils giugadurs ei dall'annada giuvna da quella classa. Igl atun savein nus cuntinuar pli u meins culla medema squadra e gliez ei empermettent.»

### «Engaschi in per l'auter»

L'equipa dils juniors A dalla Surselva che dumbra 20 dels consista per la gronda part da giugadurs dall'Unìun sportiva Schluein Glion. Leutier vegnan singuls d'auter clubs. Questa primavera «profitescha» ella dalla situaziun cul coronavirus: «Entgins giugadurs che dattan cullas squadras activas absolvan entgins giugs cun nus. En quei senn rinforzan els l'equipa.» Livio Casutt che ha trenau entgins giugadurs gia naven dalla vegliadetgna dalla categoria E, lauda en special il spért dall'equipa: «La collegialitad e la bunaveglia da s'engaschar in per l'auter ei fetg buna. Per in'equipa ei quei fetg decisiv. Sch'il clima ei buns, constat pil pli era la prestaziun.» All'equipa dils juniors A dalla Surselva appartegnan buca tuts da quella vegliadetgna dalla Surselva. «Plirs dattan gia cullas empremas squadras da lur clubs.»

Mintgin decida sez tgei far, secapescha ensemen cul club. Fussen giugadurs da quella vegliadetgna en in'equipa, havessen nus ina fetg ferma squadra da juniors A», ei Livio Casutt che dat culla secunda squadra da Schluein Glion, perschuadius. Ensemen cun el treneschan era *Patric Casutt* e *Damian Arpagaus* - sco trenader dils golis – ils juniors A dalla Surselva.

## Ulteriura victoria pils juniors B

L'equipa sursilvana dalla Juniors League B ha festivau la tiarza victoria el tshunavel giug. Encunter Romanshorn ei resultau in 3:0. Cun quei ha l'equipa dil trenader *Claudio Bundi* francau il plaz ell'emprema mesadad dalla tabella. «L'equipa ha mussau ina fetg buna reacziun suenter la disfortunada terrada encunter Gossau», constatescha Claudio Bundi. La squadra ha surpriu il dictat dil giug naven dall'entschatta ed elavurau ina caschun da marcar suenter l'otra. Suenter il 0:0 da pausa ha la selecziun sursilvana allura marcau treis gols suenter il te ed aschia segirau la victoria encunter Romanshorn: «Igl ei stau ina buna prestaziun collectiva. La pazienza dall'equipa muossa ch'ella ei madira e ch'ella crei vid sesezza.»

Bischofszell – Surselva 4:0

Domat – Herisau 3:3

Diepoldsau – Rorschach 2:1

Ruggell – Bogn Ragaz 3:5

Appenzell – Rotmonten 5:2

1. Herisau 3/7; 2. Appenzell 3/6; 3. Bischofszell 3/6; 4. Bogn Ragaz 3/6; 5. Domat 3/4; 6. Surselva 3/4; 7. Rotmonten-Winkeln 3/3; 8. Rorschach-Goldach 3/3; 9. Diepoldsau-Schmitter 3/3; 10. Ruggell 3/1.

Surselva – Romanshorn 3:0

Cuera 97 – Uzwil-Henau 5:4

Tobel – Winkeln 2:1

Amriswil – Brühl 1:1

Teufen – Rorschach 5:2

Gossau – Rheintal 5:1

1. Gossau 5/15; 2. Rheintal 5/10; 3. Tobel-Affeltrangen 5/10; 4. Surselva 5/9; 5. Cuera 97 5/9; 6. Amriswil 5/7; 7. Uzwil-Henau 5/7; 8. Teufen 5/7; 9. Romanshorn 5/3; 10. Winkeln-Rotmonten 5/3; 11. Rorschach-Goldach 5/2; 12. Brühl 5/2.

Lusitanos Samedan – Surselva f. 0:3

Cuera 97 – Triesen 9:1

1. Cuera 97 3/9; 2. Vaduz 2/6; 3. Surselva 3/6; 4. Vaz-sut 2/3; 5. Triesen 3/3; 6. Lusitanos de Samedan 3/3; 7. Tavau 1/0; 8. Valposchiavo 1/0; 9. Balzers 2/0.

Walenstadt – Linth 04 6:1

Tusaun-Cazas – Sargans 0:5

Domat – Surselva b 5:5

Mels – Surselva a 2:5

1. Domat 3/7; 2. Sargans 2/6; 3. Surselva a 3/6; 4. Surselva b 3/4; 5. Grabs 2/3; 6. Walenstadt 2/3; 7. Mels 3/3; 8. Tusaun-Cazas 3/3; 9. Linth 04 3/0.

Surselva – Domat 1:8

1. Domat 5/9; 2. Tavau 3/6; 3. Lai Valbella 2/3; 4. Orion Cuera 3/3; 5. Surselva 4/3; 6. Vaz-sut 1/0; 7. Schlarigna 3/0; 8. Panaduz 3/0. Cuera 97 ha retratg l'equipa.

Toggenburg – Surselva 7:3

Rapperswil-Jona – Glaruna 2:1

Cuera 97 – Glarnerland 4:0

1. Cuera 97 3/9; 2. Rapperswil-Jona 3/9; 3. Glaruna 3/6; 4. Toggenburg 2/3; 5. Domat 2/3; 6. Glarnerland 3/3; 7. Eschenbach-Wagen 1/0; 8. Valposchiavo 2/0; 9. Surselva 3/0.

Cuera 97 – Landquart 6:1

Tusaun-Cazas – Glarnerland 7:1

1. Cuera 97 2/6; 2. Schlarigna 2/6; 3. Tusaun-Cazas 2/6; 4. Mels 1/3; 5. Landquart 3/3; 6. Panaduz 0/0; 7. Surselva 1/0; 8. Domat 2/0; 9. Glarnerland 2/0.

Surselva c – Val Tamina 2:4

Sargans – Cuera 97 5:3

Balzers – Panaduz 0:15

1. Val Tamina 4/7; 2. Vaz-sut 3/6; 3. Sargans 3/4; 4. Panaduz 3/3; 5. Cuera 97 3/3; 6. Balzers 2/0; 7. Surselva d 3/0; 8. Surselva c 3/0. Ruggell ha retratg l'equipa.